

ქ. თბილისი

27.09.2019 წელი

1. ხელშეკრულების დამდები მხარეები

ერთი მხრივ, საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი (შემდგომში „შემსყიდველი“), წარმოდგენილი მისი თავმჯდომარის მოადგილის, გიორგი კაკაურიძის სახით და მეორეს მხრივ, **შპს ელ+**, წარმოდგენილი მისი დირექტორის ლაშა ჭუმბურიძის სახით (შემდგომში „მიმწოდებელი“), საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, **NAT190016206** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე, თუ სხვა რამ არ არის მითითებული ხელშეკრულებაში.
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – ფიზიკური ან იურიდიული პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი და ობიექტი

- 3.1. თბილისის საქალაქო სასამართლოში სახანძრო სისტემების სამონტაჟო სამუშაოების სახელმწიფო შესყიდვა CPV 45312100.
- 3.2. **NAT190016206** ელექტრონული ტენდერის სატენდერო დოკუმენტაციის 1.2 პუნქტში ატვირთული დოკუმენტები, ტექნიკური დავალება, ფასების ცხრილი და ხელშეკრულების უზრუნველყოფის საბანკო გარანტია (NPE45789-19 გაცემული სს საქართველოს ბანკის მიერ) წარმოადგენს ამ ხელშეკრულების განუყოფელ ნაწილს.

4. ხელშეკრულების ღირებულება

- 4.1. ხელშეკრულების ჯამური ღირებულება შეადგენს 413 795 (ოთხასცამეტი ათას შვიდასოთხმოცდათხუთმეტი) ლარს.
- 4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

5. ხელშეკრულების შესრულების კონტროლი

- 5.1. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს - სსიპ საერთო სასამართლოების დეპარტამენტის მატერიალურ ტექნიკური უზრუნველყოფის სამმართველოს მთავარი სპეციალისტი - მაია სვანიძე, ხოლო მისი არ ყოფნის შემთხვევაში მატერიალურ ტექნიკური უზრუნველყოფის სამმართველოს მთავარი სპეციალისტი- კობა სეფაშვილი.

6. შესყიდვის ობიექტის მიღება-ჩაბარების წესი

- 6.1. სამუშაოების მიღება-ჩაბარება წარმოებს ყოველ არანაკლებ 50 000 ლარის ღირებულების შესრულებულ სამუშაოზე ორმხრივად ხელმოწერილი ფორმა #2-ის და ექსპერტიზის დადებით დასკვნის გათვალისწინებით.
- 6.1.1. ექსპერტიზა ხორციელდება სსიპ ლ.სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ. ექსპერტიზას უზრუნველყოფს და ხარჯებს გაიღებს მიმწოდებელი.

6.2.იმ შემთხვევაში, თუ ექსპერტიზისთვის წარდგენილი ფორმა #2(ებს) ზე გაცემული ექსპერტიზის დასკვნა გულისხმობს წარდგენილი ფორმა #2(ების) კორექტირებას, ანგარიშსწორებისთვის განკუთვნილი მიღება-ჩაბარების საფუძველს წარმოადგენს კორექტირებული ფორმა #2 (ები)

6.3 შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს მატერიალურ ტექნიკური უზრუნველყოფის სამმართველოს უფროსი- ალექსი ლოლიშვილი;

6.4 ფორმა N2 ასევე დადასტურებული უნდა იყოს შემსყიდველის კონტრაქტორი სამშენებლო სამუშაოების ზედამხედველის მიერ (ასეთი ზედამხედველის არსებობისას).

7. შესყიდვის ობიექტის მიწოდების ვადა, ადგილი და პირობები

7.1 სამუშაოების შესრულების ვადა: ხელშეკრულების გაფორმებიდან არაუმეტეს 16 კვირა. თუ შესრულების ბოლო დღე ემთხვევა არასამუშაო დღეს, შესრულება გადაიწევს პირველივე სამუშაო დღეზე.

7.2. გეგმა-გრაფიკით გათვალისწინებული სამუშაოების დაწყება/დასრულების ვადის 10 დღეზე მეტი პერიოდით დაყოვნების/გადაცილების შემთხვევაში, შემსყიდველი მიმართავს მიმწოდებელს გაფრთხილებით და განსაზღვრავს გონივრულ ვადას. აღნიშნული ვადის უმედეგოდ გასვლის შემდეგ, შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების საერთო ღირებულების 5% ოდენობით. წინამდებარე მუხლით გათვალისწინებული დაყოვნებისათვის/გადაცილების გამო განსაზღვრული ვადა არ გულისხმობს მიმწოდებლისათვის პირგასამტეხლოს არ დარიცხვას, აღნიშნულ პერიოდზეც და შემდგომშიც დაყოვნების/ვადაგადაცილების თითოეული დღისთვის მიმწოდებელს ეკისრება პირგასამტეხლო ხელშეკრულების საერთო ღირებულების 0,02% ოდენობით.

7.3. ამ მუხლის 7.2 პუნქტით გათვალისწინებული საფუძვლით ხელშეკრულების შეწყვეტის შემთხვევაში, მიმწოდებელი არაუგვიანეს 30 კალენდარული დღისა, ვალდებულია საკუთარი სახსრებით უზრუნველყოს უკვე შესრულებულ სამუშაოზე საინჟინრო ექსპერტიზის განხორციელება (არსებობის შემთხვევაში უკვე შესრულებული სამუშაოების ღირებულება, მიმწოდებელს აუნაზღაურდება მხოლოდ ექსპერტიზის დასკვნის წარდგენის შემდეგ). ექსპერტიზის დასკვნა გაცემული უნდა იყოს სსიპ ლ. სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ.

7.4 სამუშაოების შესრულების ადგილი: ქ.თბილისი, აღმაშენებლის ხეივანი მე-12 კმ N6 (თბილისის საქალაქო სასამართლო)

7.5 საგარანტიო ვადა შეადგენს საბოლოო მიღება-ჩაბარების აქტის გაფორმებიდან - 2(ორი) წელს; მათ შორის, საბოლოო მიღება-ჩაბარების აქტის გაფორმებიდან 1 წლის განმავლობაში მიმწოდებელი ასევე ვალდებულია შესყიდვის ობიექტის ექსპლუატაციის პროცესს გაუწიოს მონიტორინგი (ზედამხედველობა) და ტექნიკური მხარდაჭერა, რომლის განმავლობაშიც არანაკლებ თვეში ერთხელ უნდა მოახდინოს სრული შემოწმება და აღმოჩენილი დეფექტების აღმოფხვრა საკუთარი ხარჯებით, რაზეც ადგილზე გაფორმდება შესაბამისი აქტი.

ნორმალური ექსპლუატაციის პირობებში, საგარანტიო ვადის განმავლობაში მიმწოდებელი ვალდებულია საკუთარი ხარჯით აღმოფხვრას გამოვლენილი დეფექტი, შემსყიდველის მიერ განსაზღვრულ გონივრულ ვადაში.

7.6 დრო, რომელიც ესაჭიროება მიმწოდებელს ექსპერტიზის განსახორციელებლად არ ჩაითვლება სამუშაოების შესრულების სავალდებულო ვადებში (ექსპერტიზის ხარჯებს გაიღებს მიმწოდებელი). ამასთან ექსპერტის მიერ შესრულებულ სამუშაოში ხარვეზის/შეუსრულებლობის დადგენის შემთხვევაში, ექსპერტიზის მიმდინარეობის ვადა მიეთვლება ხარვეზის გამოსასწორებელ ვადას და დაერიცხება პირგასამტეხლო ხელშეკრულების ჯამური ღირებულების 0.02% ოდენობით შესრულების ვადის შემდგომ ყოველ დღეზე. ექსპერტიზის მიერ ხარვეზის დადგენის შემთხვევაში, გამოსწორებულ ხარვეზზე უნდა ჩატარდეს ექსპერტიზა, რომლის ხარჯებს გაიღებს მიმწოდებელი (ექსპერტიზა ჩატარებული უნდა იყოს სსიპ ლ. სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ). სამუშაო გამოსწორებული უნდა იყოს სამუშაოს სირთულის გათვალისწინებით შემსყიდველის მიერ განსაზღვრულ გონივრულ ვადაში.

7.7.თითოეულ ეტაპზე ექსპერტიზის ვადა არ უნდა აღემატებოდეს 60 კალენდარულ დღეს.

7.8. სამუშაოების წარმოების დროს გასათვალისწინებელია:

ა) სამშენებლო ობიექტზე მომუშავე პირთა სიცოცხლისა და ჯანმრთელობისათვის უსაფრთხოების წესების დაცვაზე სრულად პასუხისმგებელია მიმწოდებელი.

ბ) უსაფრთხოებისა და სამშენებლო ნორმებით გათვალისწინებული წესების დაუცველობის შემთხვევაში, მიმწოდებელი ვალდებულია სრულად აანაზღაუროს შესაბამისი ზარალი საქართველოს მოქმედი კანონმდებლობის შესაბამისად.

გ) სამუშაოების პროცესში მიმწოდებელი ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციის და მტვრის გავლენა.

დ) სამუშაოების მიმდინარეობის პარალელურად, ყოველდღიურად და დასრულების შემდეგ ნარჩენების გატანას და ტერიტორიის დასუფთავებას მოქმედი კანონმდებლობის მოთხოვნათა დაცვით უზრუნველყოფს მიმწოდებელი საკუთარი სახსრებით.

ე) სარემონტო სამუშაოების საათები და პერიოდი სამუშაო დღეებში (უქმე და დასვენების დღეების გარდა), შეთანხმდეს სასამართლოსთან.

ვ) ხელშეკრულების გაფორმების შემდგომ, სამუშაოების მიმდინარეობის პროცესში, შემსყიდველი უფლებამოსილია მოსთხოვოს მიმწოდებელს ამ სამუშაოების ფარგლებში მიღებული ან/და გამოწერილი ზედნადებები, ან/და ხარჯების ამსახველი სხვა დოკუმენტაცია. თავის მხრივ, მიმწოდებელი ვალდებულია დაუყოვნებლივ დააკმაყოფილოს შემსყიდველის მოთხოვნა.

ზ) მომწოდებელმა უნდა უზრუნველყოს თბილისის საქალაქო სასამართლოში (გარდა ახალი სამოქალაქო კოლეგიისათვის განკუთვნილი ფლიგელისა) სახანძრო სიგნალიზაციის არსებული სისტემების დემონტაჟი და შემდგომ ახალი სისტემების სამონტაჟო სამუშაოები.

თ) მომწოდებელმა უნდა უზრუნველყოს თბილისის საქალაქო სასამართლოში ხარჯთაღრიცხვაში მოცემული მინიმალური პარამეტრების მქონე სახანძრო სისტემების და სხვა ინვენტარის მონტაჟი, ინსტალაცია/კონფიგურაცია და ექსპლუატაციაში გაშვება, მწარმოებლის ტექნიკური მოთხოვნების და რეკომენდაციების დაცვით.

ი) სამუშაოს შესრულება უნდა განახორციელოს მოქმედი სახანძრო უსაფრთხოების სტანდარტების დაცვით.

კ) სამუშაოს შესრულება უზრუნველყოფილი უნდა იყოს შესაბამისი რაოდენობის, სანდო, სათანადო უნარ/ჩვევების მქონე პერსონალით და შესაბამისი ტექნიკით.

ლ) სამუშაოს შესრულების პროცესში გამოყენებული ყველა ტექნიკური აღჭურვილობა და ინსტრუმენტი უნდა იყოს გამართულ მდგომარეობაში, მათი ექსპლუატაცია უნდა ხდებოდეს მწარმოებლის მიერ განსაზღვრული წესით. ტექნიკური აღჭურვილობის და ინსტრუმენტის ექსპლუატაციისას დაუშვებელია არაქარხნული (კუსტარული) წესით დამზადებული დეტალის ან/და სათადარიგო ნაწილის გამოყენება.

მ) სამუშაოს შესრულების პროცესში მიმწოდებელმა უნდა უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება.

ნ) ფარული სამუშაოების წარმოების შემთხვევაში მიმწოდებელი ვალდებულია შეადგინოს ფარული სამუშაოების დამადასტურებელი წერილობითი აქტები. ფარული სამუშაოები წარმოებული უნდა იქნეს შემსყიდველის მიერ განსაზღვრულ ინსპექტირების განმახორციელებელ პირ(ებ)თან ერთად.

ო) მიმწოდებელმა უნდა გამოყოს ობიექტზე პასუხისმგებელი პირი და უზრუნველყოს სამუშაოების წარმოება მათი მუდმივი ზედამხედველობით.

პ) საჭიროების შესაბამისად, სამუშაოების მიმდინარეობის პროცესში, სასამართლოს პერსონალისა და მოქალაქეების უსაფრთხოების დაცვისთვის, მიმწოდებელმა უნდა უზრუნველყოს სამუშაო პერიმეტრის შემოსაზღვრა დამცავი ბარიერებისა ან/და გამყოფი ლენტების მეშვეობით

8. ანგარიშსწორება

8.1. ანგარიშსწორება განხორციელდება ეროვნულ ვალუტაში - ლარში;

8.2. ანგარიშსწორების ფორმა - უნაღდო;

8.3. დაფინანსების წყარო: 2019-20 წლების სახელმწიფო ბიუჯეტი;

8.4. მიმწოდებელთან ანგარიშსწორება განხორციელდება შემდეგი წესით:

1) ყოველ არანაკლებ 50 000 ლარის ღირებულების შესრულებულ სამუშაოზე მიმწოდებელს აუნაზღაურდება ფაქტიურად შესრულებული სამუშაოების ღირებულების 90%, წარმოდგენილი ფორმა #2-ების საფუძველზე და ექსპერტიზის დადებითი დასკვნის გათვალისწინებით, 10 სამუშაო დღის ვადაში.

2) იმ შემთხვევაში თუ 2019 წლის 6 დეკემბრის მდგომარეობით ფაქტიურად გადარიცხული თანხების ოდენობა არ მიაღწევს 331629,96 ლარს (შემსყიდველის 2019 წლის სახსრები), აღნიშნულ თანხებს შორის სხვაობა (=331629,96-2019 წლის მანძილზე ფაქტიურად გადარიცხული თანხები) მიმწოდებელს გადაერიცხება მის მიერ შემსყიდველისათვის ავანსის უზრუნველყოფის უპირობო და გამოუთხოვადი საბანკო გარანტიის წარდგენიდან 10 სამუშაო დღეში. ავანსის უზრუნველყოფის საბანკო გარანტია გაცემული უნდა იყოს ავანსის სრულ ოდენობაზე, საქართველოს ეროვნული ბანკის მიერ ლიცენზირებული საბანკო დაწესებულების მიერ და მისი მოქმედების ვადა არანაკლებ 70 კალენდარული დღით უნდა აღემატებოდეს სამუშაოების შესრულების საბოლოო ვადას. ავანსის უზრუნველყოფის საბანკო გარანტია შემსყიდველს წარედგინება არაუგვიანეს 2019 წლის 17 დეკემბრისა. აღნიშნული ვადის დარღვევის შემთხვევაში, შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ჯამური ღირებულების 5% ოდენობით.

3) ფაქტიური შესრულების შესაბამისად თანხის გადარიცხვა ამ ქვეპუნქტის „1)“ ქვეპუნქტით დადგენილი წესითა და ოდენობით განხორციელდება ავანსის სრულად გაქვითვის შემდეგ. ავანსი გაიქვითება წარმოდგენილი შესრულებების (ფორმა #2 და ექსპერტიზის დადებითი დასკვნა) ღირებულების 90% ოდენობით.

4) სამუშაოების სრულად დასრულების შემდეგ, მიმწოდებელს აუნაზღაურდება ფაქტიურად შესრულებული სამუშაოების ჯამური ღირებულების 90% (უკვე გადარიცხული და ავანსად გაცემული თანხების გათვალისწინებით), წარმოდგენილი ფორმა #2 და ექსპერტიზის დადებითი დასკვნების გათვალისწინებით.

5) ფაქტიურად შესრულებული სამუშაოების დარჩენილი ნაწილი მიმწოდებელს აუნაზღაურდება ფაქტიურად შესრულებულ სამუშაოზე საინჟინრო-ტექნიკური ექსპერტიზის დადებითი დასკვნის, მხარეთა შორის გაფორმებული საბოლოო მიღება-ჩაბარების აქტის საფუძველზე, არაუგვიანეს 10 (ათი) სამუშაო დღისა, 2020 წლის საბიუჯეტო თანხების ფარგლებში.

8.5 ეტაპობრივი და საბოლოო ანგარიშსწორება განხორციელდება შესაბამისი წლის საბიუჯეტო თანხების ფარგლებში. იმ შემთხვევაში თუ გადასახდელი თანხის ოდენობა გადააჭარბებს შესაბამისი წლის ბიუჯეტით გათვალისწინებულ თანხას, სხვაობა გადარიცხული იქნება მომდევნო წლის საბიუჯეტო თანხებიდან.

8.6. მიმწოდებელთან ანგარიშსწორება ხორციელდება შესაბამისი წლის დაფინანსების ფარგლებში. დაფინანსების წყარო:

2019 წლის სახელმწიფო ბიუჯეტი - 331629.96 ლარი

2020 წლის სახელმწიფო ბიუჯეტი - 82165.04 ლარი

9. ხელშეკრულებაში ცვლილება

9.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, არაუმეტეს ხელშეკრულების თავდაპირველი ჯამური ღირებულების 10%-ისა. ხელშეკრულების გადასინჯა ხდება საქართველოს კანონმდებლობით დადგენილი წესით;

9.3. ხელშეკრულება შეიძლება ასევე შეწყდეს მხარეთა ურთიერთშეთანხმების საფუძველზე.

10. ფორს-მაჟორი

10.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად, თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დამოკიდებული მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით და სხვა გარემოებებით;

10.3. ფორს-მაჟორული გარემოების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა ურთიერთობა

11.1. შემსყიდველი ვალდებულია უზრუნველყოს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;

11.2. მიმწოდებელი უფლებამოსილია მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;

12. ხელშეკრულების პირობების შეუსრულებლობა

12.1. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,02 %-ის ოდენობით.

12.2. სახელშეკრულებო ვალდებულებების სრულად ან ნაწილობრივ შეუსრულებლობის შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლოს ხელშეკრულების ჯამური ღირებულების 5%-ის ოდენობით.

12.3 ხელშეკრულებით დადგენილი ვადების გადაცილებისთვის მიმწოდებელს ეკისრება პირგასამტეხლო ყოველ გადაგადაცილებულ დღეზე გადაუხდელი თანხის 0,02 %-ის ოდენობით.

12.4. სამუშაოების წარმოების გეგმა-გრაფიკით გათვალისწინებული სამუშაოების დაწყება/დასრულების ვადის 10 დღეზე მეტი პერიოდით გადაცილების შემთხვევაში, შემსყიდველი მიმართავს მიმწოდებელს გაფრთხილებით და განუსაზღვრავს გონივრულ ვადას. აღნიშნული ვადის უშედეგოდ გასვლის შემდეგ, შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების საერთო ღირებულების 5% ოდენობით. დაყოვნების/გადაგადაცილების თითოეული დღისთვის მიმწოდებელს ეკისრება პირგასამტეხლო ხელშეკრულების საერთო ღირებულების 0,02% ოდენობით.

12.5. თუ ვადის გადაცილება არ არის დამოკიდებული მიმწოდებლის ქმედებაზე, ან გამოწვეულია შემსყიდველის მიერ, პირგასამტეხლო არ გამოიყენება.

12.6. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან

13. ხელშეკრულების უზრუნველყოფის გარანტია

13.1. წინამდებარე ხელშეკრულებით ნაკისრი ვალდებულებების უზრუნველსაყოფად მიმწოდებლის მიერ წარმოდგენილია ხელშეკრულების უზრუნველყოფის საბანკო გარანტია NPE45789-19 გაცემული სს საქართველოს ბანკის მიერ.

13.2. საბანკო გარანტია მიმწოდებელს დაუბრუნდება სამუშაოების სრულად დასრულების და მათ შესაბამისად საბოლოო მიღება ჩაბარების აქტის შედგენის შემდგომ, მიმწოდებლის წერილობითი მოთხოვნიდან არაუგვიანეს 10 სამუშაო დღისა.

14. ხელშეკრულების მოქმედების ვადა

14.1 ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 2020 წლის 31 დეკემბრის ჩათვლით.

15. დამატებითი პირობები

15.1. მხარეები პასუხს აგებენ ხელშეკრულებით ნაკისრი ვალდებულებების შესრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

15.2. ხელშეკრულება შედგენილია ქართულ ენაზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16. მხარეთა რეკვიზიტები:

შემსყიდველი:

საქართველოს იუსტიციის უმაღლეს საბჭოსთან
არსებული სსიპ საერთო სასამართლოების დეპარტამენტი
მის.: ქ. თბილისი, ძმები ზუბალაშვილების ქ. №32
ს/კ 203860642

გიორგი კაკაურიძე
თავმჯდომარის მოადგილე

მიმწოდებელი:

შპს ელ+
მის: ქ. თბილისი, დ. ბაქრაძის ქ. #6 (მე-3 სართული)
ს/კ 206108950
სს საქართველოს ბანკი
BAGAGE22
ა/ა:GE41BG000000677052700

ლაშა ჭუმბურიძე
დირექტორი